



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Magnum Matrimonij Sacramentum Casibus Practicis
Expositum**

Reutlinger, Ignaz

Augustæ Vindelicorum, 1716


VD18 10508716

Casus primus Adulteræ incorrigibilis.

urn:nbn:de:hbz:466:1-40059

quod soboli magis conducit, & utilius est, relinquitur illi, quæ aptior censetur ad hoc Officium. Tertiò denique, nisi pars innocens sit pauper, nocens autem locuples, tunc enim ali debet apud nocentem, quia si v. g. apud matrem innocentem liberi educarenur, quæ pauper est, viro locuplete subministrante expen-

fas pro alendis, & vestiendis prolibus, timendum esset, ne data insufflationem liberorum ipsa in suos usus converteret. ita Sanch. L. 10. disp. 20. n. 2. & seqq. Palao disp. 3. de Sponsal. pu. 6 §. 10. n. 5. filiiuc. tr. 10. c. 10. p. 1. n. 417. & seq. Bonac. Laym.



§. IV.

De Divortio propter Adulterium.

CASUS PRIMVS

Adulteria incorrigibilis.

Coralbus uxorem duxit Leonildam, cuius virginalis integritas in primo congressu ei suspecta fuit. Post aliquot annos solam cum solo reprehendit in cubili. Juvenis hic erat Leonildæ familiaris, antequam nuberet, quem nupta quoque non desijt amare, & ad quem etiam tunc, postquam à viro propter hoc factum pro merito correpta est, non desijt identidem furtive

vè litteras missitare , quarum aliquæ à marito interceptæ , & lecta sunt. Consistebant verò illæ intra consuetas ferè humanitatis formulæ , & ea verborum involucra , ut nihil aperte prodicerent , ex quo , si prius illud facinus absurset , posset connubiali toro admodùm timeri , nisi quod antecedens familiaritas , & deinceps etiam continuata suspicionem aliquam viro movebant. Interea hic ab amico invitatus rus abit , conjugemque & rem domesticam Matri suæ commendat. Sed quis tueri possit fæminam libidinosam ! huic custodiendæ nec Argus sufficit. Mille vias ipsa reperit , quibus socrum falleret , & suis amoribus frueretur. Denique eò ventum est , ut , cùm adventus Mariti in expectatione esset , cumque ipsa malè sibi conscientia magnoperè metueret , monilibus , & non exigua pecuniarum summâ clam sublatis , cum suo amasio aliò migraverit , eisque ultra triennium adhæserit , donec tandem ærumnis ad meliorem vitam erudita , redeundi veniam supplici libello à viro petiat , fidem pollicita , nunquam deinceps violandam , fuitque à Marito , ut erat mitis vir ingenij , in gratiam recepta. Sed non diu ipsa sibi constitit , nam breviterum in adulterinos amplexus exardescens in ipso turpi facinore cum novo mœcho à viro superveniente deprehensa est adultera , & domo exturbata.

Q. An poenitentem primâ vice debuerit Coralibus recipere ? deinde an ad pristinas fordes revertam potuerit auctoritate propria expellere , vel etiam hoc agere debuerit ? an verò eidem hac quoque vice potuerit ignoscere , eamque retinere ?

SYNOPSIS.

1. *Adulterium est causa sufficiens ad instituendum divortium perpetuum.*
2. *Idque non solum conceditur viro , sed etiam uxori ob adulterium mariti.*

3. *Quid*

3. Quid nomine adulterij intelligatur?
4. An etiam oscula, amplexus, & tactus praebant jus ad divortium.
5. Non est omnino reiiciendum P. Dicastillo de hac re judicium.
6. Ad faciendum divortium non sufficit sola suspicio patrati adulterij, nisi violenta sit.
7. Quandonam datur suspicio esse violenta, ut inducat moralem certitudinem.
8. An propter adulterium fieri possit divortium propria auctoritate?
9. An conjux innocens teneatur nocentem dimittere?
10. An obligetur maritus uxorem adulteram post factum divortium pænitentem, iterum admittere, & quando ob adulterium conjugis transitus permittatur ad Sacros Ordines, vel Religionem?
11. In certis eventibus non licet conjugi celebrare divortium, veluti si uterque hujus delicti reus est.
12. Plures aliae causæ referuntur, propter quas adulterium non sufficit ad divortium.
13. Ex præcedentibus deducitur denique conclusio pro casu praesente, & ad illius quaestia respondetur.
14. An teneatur Vir innocens uxori adulteræ post factum divortium dare alimenta, & apud quem educandas sint protes?

SYNOPSIS



I. causis huc usque
enumeratis, ob
quas divorcium
fieri non potest
quoad vincu-
lum, sed quoad
torum duntaxat,
& cohabitationem, in hoc dis-
crepat adulterium, ut alias insinuavi-
mus, quod illæ facultatem tribuant
ad separationem solummodo tempo-
ralem, adulterium verò divorcium
inducat perpetuum, quare cessante
hæresi, periculo peccati, sèvitiâ,
& morbo contagioso, cohabitatio
separata iterum restaurari debet, non
autem cessante adulterio, quippe di-
vorticium ob adulterium fundatur in
eo, quod per istud delictum fides
conjugi data absolute frangatur, fi-
des autem conjugij semel violata,
semper manet violata, non autem
semper ita manet periculum gravis
mali, quod probabiliter timeri de-
beat ex conjugis cohabitatione vel
in corpore, vel in anima. Posse
verò conjugem innocentem diver-
tere ab adultera, ex ipsis Christi
Domini verbis manifestum est Matth.
19. *Quicunque dimiserit uxorem suam,*
nisi ob fornicationem &c. ubi dum pa-
testatem dimittendi adulteram Chri-
stus absolute concedit, consequitur,
hoc divorcium esse perpetuum,
quia dimissio absolute data perpetua
est. Id igitur sacris canonibus stabi-
litur, præterim c. *Significasti. c. Ex*
literis, &c. Gaudemus. De Divortijs.

Atque istius rei ratio clarissimè de-
sumitur ex ipsa natura contractus
Matrimonij, namque frangenti fi-
dem fides servanda non est. c. Per-
venit. 3. De Iurejurando, &c. Si
infidelis. 28. q. 2. ergo conjux, cui
alter adulterans fidem frangit, non
teneatur illi fidem servare, manendo
cum ipso, sed potest ab ipso diver-
tere, neque enim conjuges censem-
tur se obligasse, ut parti diutius co-
habitent, quam hæc fidem, & to-
rum immaculatum servet.

2. Neque verò hic audiendus est
Cajetanus hac in re singularis, dum
putat, facultatem celebrandi divorcium
viris tantummodo permitti ob adulte-
rium uxoris, sed non pari modo etiam
uxoribus ob adulterium Mariti, ita
enim loquitur in textum suprà cita-
tum Matth. 19. : *Nec ex his intelli-
gas, uxorem posse dimittere virum fornic-
antem, quoniam IESVS, qui est verus
Deus, hoc non concessit; nec est parra-
tia, nec etiam in veteri lege uxor poterat
repudiare virum, quam sententiam*
Sanch. L. 10. disp. 3. n. 6. vocat pror-
sus falsam, & temerariam, eidem-
que communiter omnes merito ad-
versantur, quia cum jus ad divorcium
oriatur ex violatione fidei conjuga-
lis, ad quam uterque conjux aequali
jure obligatur, consequitur sane,
eos quoad hoc pares esse, ut, si
alteruter fidem violaverit, alter ab
eo possit licet divertere, sive vir
sit, sive fæmina, quia non minus
vir adulterando fidem conjugalem
violat,

violat, quam mulier: eadem proinde ob hanc violationem poena ipsum manere debet, quae uxorem, cum par utriusque causa sit. c. fin. 32. q. 5. Quin imo ipse Apostolus 1. ad Cor 7. velut certum supponit, posse uxorem a marito discedere ex justa causa, dum ait: *His, qui Matrimonio juncti sunt, principio non ego, sed Dominus, uxorem a viro non discedere* (intellige absque justa causa, ut ex sequentibus patet) quod si discesserit, manere innuptam, aut viro suo reconciliari. Supponit ergo Divus Paulus, posse uxorem a marito aliquando justè discedere, alioquin uxorem cogerer ad illum redire, & non permetteret ipsi optionem vel redeundi ad maritum post stabilitam denuo reconciliationem, vel manendi sine nuptijs continenter vivendo. Quod si vero uxori conceditur, ut possit a marito discedere ob aliquam justam causam, procul dubio poterit ob adulterium, quo ipsi etiam frangitur Matrimonij fides a marito, cum uxor & maritus pares omnino sint in obligatione servandi Matrimonialem fidem, & sane per iniurium sit, ut dicitur in L. Si uxor. §. Index. ff. Ad Leg. Iuian. De Adulter. ut pudicitiam vir ab uxore exigat, quam ipse non exhibeat. Quod autem in citato Evangelij loco, & alijs allatis textibus solius viri mentioniat, mirum non est; nempe cum sit frequentius, ut viri petant divortium hac de causa, ideo de fa-

minis nihil expressum est, idem tamen dicendum est de utroque, quia utriusque aequalis conditio est. Quod vero in lege veteri uxor repudiare non potuerit maritum, non sequitur inde, in lege nova non posse uxorem petere divortium, nam in hoc ipso differunt repudium antiquæ & divortium nova legis, quod illud viris tantum concessum fuerit, hoc vero etiam permittatur uxori, cuius differentiaz rationem reddit S. Thomas 4. dist. 35. q. unic. art. 4. ad 1. nam illud concedebatur in lege veteri ad vitandum homicidium conjugis adulteri, quia autem hoc periculum non inventebatur, nisi in solidis viris, ideo illis tantum permisum erat, ut possent repudiare uxores, & non vicissim. At divortium conceditur ratione fractæ fidei conjugalis, quæ aequè invenitur in utroque coniuge fornicante, atque ideo utrique divortium conceditur, ut possit resiliere a pactis, quando pars altera fidem fregit. Interea non negaverim, adulterium in uxore multò detestabilius esse, quam in viro, quia, ut ait Tiraquellus in L. I. Connub. Glossa 1. pu. 1. n. 45 impudicitia multò fœdior est in muliere, quam in viro, magisque probrum, & infamia redundat in maritum, totamque familiam ex adulterio mulieris, quam viri: damnum etiam, atque injuriam patitur hic longè graviorem ob prolis incertitudinem, & alienæ lobolis superpositionem. Denique quando ad alienam

alienam sive solutam, sive conjugatam vir accedit, nunquam inquit ipse proprium suum torum, adeo que nec uxoris sue, sed torum viri illius, cum cuius uxore rem habet; econtra uxoris suo delicto semper contaminat thal mum mariti; cui tamen ipsa multò majorem reverentiam; & honorem debet, tanquam capit, quam debet vir uxori; quare spelando jus civile L. I. C. ad Leg. Jul. De Adult. et si Maritus uxorem de adulterio accusare possit criminaliter ad legalem poenam infligendam, non tamen id ipsum potest uxor contra maritum; permittitur tamen agere contra ipsum civiliter ad divorcium instituendum; quia in hoc censentur pares esse, praesertim in Jure Canonico. Sanch. L. 10. disp. 8. n. 33 Coninck disp. 35 dub. 1. n. 5. Tamb. L. 8. de Matr. tr. 7. §. 2. n. 2. Pirhing. n. 6. De Adult. & stupro. Welenbeicus in Parat. ff. Ad Leg. Jul. De Adult. n. 12.

3. Porro nomine adulterij justam divortio causam praebentis hic venit non solum copula naturalis cum alieno viro; vel feminina, sed quivis illicitus concubitus alterius conjugis, si fuerit consummatus, id est, cum emissione semenis factus cum alia persona, qualis est etiam sodomia sive activa; sive passiva; & bestialitas completa; non item incompleta sine semenis effusione. neque peccatum mortis. ita Sanch. L. 10. disp. 4. n. 3. Palao disp. 3. De sponsal. pu. 6. n.

2. Hurtad. disp. II. De Matr. difficult. 2. n. 7. Laym. l. 5. tr. 10. p. 3. c. 7. n. 7. Tamb. l. c. §. 2. n. 5. Fillue. tr. 10. c. 10. p. 1. n. 367. Pirhing n. 5. De Divort. Wiestner n. 72. eod. Ratio est, quia justum divortium oritur ex eo, quod coniux carnem suam in aliam carnem dividat contra fidem Matrimonij explicatam Genes. 2. Erunt duo in carne una, & sic gravis injuria infertur Matrimonio: talis autem divisio carnis non solum fit per fornicationem, sed etiam per sodomitam, & bestialitatem completam, quia vere caro conjugis dividitur in aliam, nempe in carnem bestie, cui copulatur, nihil enim refert, an misceatur cum carne ejusdem, an diversæ naturæ. Sanch. l. c. n. 14. An verò Sodomia viri completa cum propriâ uxore, praesertim invita, præbeat justam divortij causam, dubitari potest? alij enim affirmant hoc probabiliter apud Sanch. l. c. n. 6. eo quod sit gravis abusus dominij corporis uxoris sibi concessi, & talis actus etiam circa propriam uxorem graviter repugnet fidei coniugali: alij negant, quia sic vir non dividit carnem suam in aliam, sed in propriam uxorem; ergo non potest intelligi nomine adulterij, atque ita præbere jus ad divortium. Inter utramque sententiam media placet, quam tenet idem Sanch. & Pirhing. II. cc. Tamb. n. 7 ut dicatur, non præbere ejusmodi sodomitam jus ad divortium per-

Qqqqq

perpetuum , præbere tamen , nisi vir velit corrigi , jus ab eodem divertendi ad tempus , donec à suo scelere desistat , & cesset uxorem inducere ad peccandum , nam post propter periculum animæ discedere ad tempus à marito , donec is resipescat , Imperius docuimus Casu 1. hujus Sectionis . Utrum verò in foro externo credendum sit mulieri , afferenti , le à viro tentatam fuisse de nefando vitio , dissensio est inter DD. Bonacina q. 4. de Matrim. p. 5. n. 4. cum Aloysio Riccio p. 4. Decis. 145. n. 18. probabilius putat , non esse ipsi credendum , tum ne detur occasio feminis accusandi Maritos , & impediendi vitam conjugalem , tum quia nullus est idoneus testis in propria causa . L. Nullus. ff. De Testibus . nisi tamen præter feminæ assertionem extant alia indicia , quibus Judex inducatur ad credendum assertioni , tunc enim jam non creditur præcisè mulieri . Propter peccatum quoque mollitiei sive viri , sive uxoris non sit divortium , quia , tametsi aliquo modo Matrimonium lñdatur , quatenus prodigitur semen viri , vel feminæ , destinatum , ac debitum usui conjugali , non tamen integrè , & consunt matèla ditur , quia non dividitur caro conjugis in alienam carnem . Pirhing l. c. Si autem vir extra vas debitum pollueret uxorem propriam minimè consentientem , idem dicendum erit . quod diximus de Iodomia cum eadem habita .

Denique debet adulterium , ut præbeat justam causam divortij , esse formale , quare si ex aliquo capite ab ea malitia excusat , ed quod ignoranter , vel per violentiam commissum sit , nullo modo occasionem divortij præbere potest , quia alteri conjugi injuriosum non est , de quo plura dicuntur intrà n. 12.

4. Ex hac tenus dictis dubium moveri potest , an liceat disolvere Matrimonium quoad cohabitationem , & torum propter oscula , & amplexus uxoris , tactusqæ mamillarum , vel alias impudicos , aut ob solam suspicionem commissi adulterij ? Pro affirmativa facere videtur L. Consensu . §. Vir quoque C. De Repudijs : ubi justa divortij causa esse dicitur , si mulier in scio , vel invito Marito virorum conyivia appetat , aut sine justa causa extra domum pernoctet : ergo à fortiori si oscula , & amplexus patiantur . Idem si niliter deduci potest ex textu L. 5. Feudor. tit. 5. ubi statuitur , quod Vasallus feudum perdere debeat , non tantum , si cum uxore Domini adulterium commiserit , sed etiam si committere attenterat , vel cum ea turpiter luserit . Sed quidquid sit de ipsis Legibus , quæ hic attendendæ non sunt , cum causa Matrimonij non juxta Leges Civiles , verum secundum Sacros Canones , & Evangelium tractanda sit , ubi Matrimonium consummatum quoad vinculum nunquam , quoad cohabitationem verò duntaxat properter

ter adulterium in perpetuum separari conceditur. Igitur communis Authorum suprà citatorum, & aliorum ferè omnium Sententia est, ob tactus impudicos, habitos etiam animo pervenienti ad adulterium, oscula libidinosa, amplexus, atque etiam ipsam pollutionem cum tertia persona exercitam, imò & copulam sine seminis emissione, justam divortij causam non haberí, quia hi non sunt tactus perfecti contra datam fidem, cùm non dividant carnem conjugis cùm alterius carne; ob quam rationem etiam copula cum fæmina mortua non venit nomine adulterij, quia illa non est vera caro, sed veluti statua quædam fæminæ, ut ait Sanchez l. c. n. 10. nequit igitur propter ista fieri separatio quoad torum, & cohabitationem, cùm præfertim poenæ imponende non sint, nisi in casibus à Jure expressis: cùm ergo in Jure solùm concedatur divortium, & dos amittatur ob adulterium, extendendum non est ad oscula, & amplexus, ed vel maximè, quia si extensio fieret de adulterio ad osculum, hoc esset arguere de Majori ad minus, quod in poenalibus, quām sit absurdum, nemo non videt. Addo cum Gobat l. c. n. 63 quod, cùm ex una parte repulso uxoris sit res gravissima, ex altera autem parte oscula, amplexus, & tactus satis facile contingant, nec usque ad atrocem injuriam contineant, non videatur lex naturalis, à qua Jus divortij or-

tum duxit, ob hascē actiones permettere ejusmodi repulsam: atque hæc, ut dixi, communis ferè omnium Sententia est.

5. Non displiceret interea, quod dicit Dicastillo *disp. 10. de Matr. dub. 2. n. 11.* & seqq. ibi, quamvis ob graves Authores, qui tradunt doctrinam præcedentem, non ausit eam improbare, tamen si ratione præcisè agatur, multa distinctione in hac re opus esse censet: nam in primis distinguendum esse, ait, inter virum, & uxorem spectata communi hominum estimatione, quia licet concederemus, non posse uxorem separari à viro talibus impudicis tactibus indulgente cum alia persona, non videot aqua conditio vice versa, neque enim tam turpe, & indecorum est uxori, quod vir ipsius talia commiserit cum alia persona, quām turpe est Marito, & ignominiosum, quod tales tactus impudicos admiserit uxor cum alio viro. Præterea quanto conjuges sunt altioris, & nobilioris dignitatis, tanto plū crescit injuria in similibus tactibus admissis ex parte uxoris cum alio, nec tamen in communi estimatione tanto plū crescit ex parte viri, cùm vidamus Principes, etiam Serenissimos, indulgere ejusmodi levitatibus, & impudicis jocis, ac tactibus, imò aliquando id ipsum audere spectante uxore, nec censetur tuac nimis ignominiosum uxor hoc videnti, & patienti, cum tamen econtra si faceret

Qqqqq 2

id

id uxor , injuria esset gravissima comparatione viri , idque adhuc amplius cresceret , si cum vili aliquo famulo , aut mancipio . Unde sic denique concludit dictus Author : ego sane , salvo meliori iudicio , non nimis alperum , aut rigidum putarem esse talem virum , qui a conjugis impudicæ consortio se subducere , ut omittam , non nimis temerariè suspicaturum esse virum , feminam in hujusmodi tactibus deprehensam ulterius non modò fore progressuram , si occasio detur , sed jam fuisse progressam . De pollutionibus viri , aut feminæ cum tertia persona habitis , eadem ipsius opinio est , si vel nota sint , vel probari possint , posse conjugem innocentem ad divortium progredi ; quamvis enim Christus pro causa conjugem dimittendi solum assignaverit fornicationem , putat ipse nihilominus , hanc vocem non esse accipiendam in stricta significatione , sed in ampliore quadam , ita ut fornicatio luxuriam gravem significet , sive ut nomine cujusdam speciei magis universalis , ac notæ significetur genus ipsum luxuriæ . Additamen n. II. ad finem : verum hæc omnia relinquo aliorum iudicio , maxime Judicum Ecclesiasticorum , ad quos pertinet , si res ad forum exteraum deferatur , de simili divortio faciendo , aut non faciendo pronunciare . Quid autem dicendum sit , quando sola suspicio adeat commissi adulterij , patebit ex sequente numero .

6. Certum est , ad faciendum divortium neque in foro externo , neque interno sufficere , quod habeatur dubium , vel suspicio probabilis de adulterio alterius conjugis , sed debet haberi de eo certitudo , non quidem Physica , vel Metaphysica , sed moralis . Pars prior patet ex c. Ex parte . De Sponsal . ubi dicitur , nemini licere uxorem dimittere absque manifesta fornicationis causa , & c. Oves . 6. q. I. omnis suspicio potius repellenda est , quam approbanda , vel recipienda . Ratio est , quia cum conjux , de quo est suspicio , sit in possessione Juris Matrimonialis , non potest illo privari ob dubium , aut suspicionem , quia in dubio melior est conditio possidentis , c. In pari . De Reg. Iuris in 6. & si liceret conjugem dimittere ob quamlibet suspicionem , sane nimis frequenter , atque injustè fierent divortia . Neque obest , quod in c. Dixit Dominus . 32. q. I. habetur : ubicunque est fornicatio , vel fornicationis suspicio , liberè uxor dimititur . nam ut exponit Glossa ibid . V. Suspicio , non intelligitur suspicio quæcunque , sed violenta , quæ æquivaleat morali certitudini , & quæ in foro quoque externo sufficeret ad condemnandum . c. Literis . De Præsumpt . quia cum adulterium sit ex illis criminibus , quæ solent in loco abdito , & omnino occulte committi , ac quæ proinde non nisi difficillimè probari possunt , non opus est , ut habeatur certitudo metaphysica , qualis haberi

ri

ri potest in alijs criminibus, quæ oculis patent, & palam perpetrantur, sed satis est, quod habeatur commissi adulterij suspicio violenta. Sanchez L. 10 disp. 12. n. 40. & seqq. Perez disp. 56. de Matr. Sect. 5. n. 2. & seqq. Palao disp. 3. De Sponsal. p. 6. §. 4. n. 7.

7. Dicitur autem suspicio violenta, quæ, licet non faciat certam, & indubitatam fidem, facit tamen moralem certitudinem, id est, talem, quæ virum prudentissimum inducere valeat ad judicandum, adulterium esse patratum, & quæ probata in foro externo sufficeret ad Sententiam Divortij ferendam, cuiusmodi violentam suspicionem commissi adulterij faciunt diversæ actiones, quarum aliqua in supra citato c. Literis. De Præsumpt. recensentur, videlicet si solus cum sola, nudus cum nuda in eodem lecto jacens deprehendatur, aut in loco secreto, ac abdito ad adulterium patrandum accommodato, hæc enim præbere certam, ac violentam suspicionem fornicationis, dicit Alexander III. in cit. c. nam præbent utique hæc circumstantiae quæsitæ soliditatis, nuditatis, loci obscuri, diversitatis sexuum &c. præsumptiones valde urgentes ad aliquid tale cogitandum. Similis conjectura habetur, si ille, cui Maritus, quem de adulterio suspectum habet, exhibitis tribus testibus fide dignis, ter scripto denunciavit, ut a colloquio, & occulta uxoris suæ conversatione

abstineret, furtivas accessiones ad eandem non evitet. Authent. Si quis ei. C. Ad Leg. Iul. De adulter. Menoch. De Præsumptionib. L. 5. Præsumpt. 41. n. 9. Eadem præsumptio habetur de Adulterio, vel fornicatione commissa, quando domus alius cuius mulieris diu, noctuque ab Adolescentibus, præsertim Scholasticis, frequentatur. Menoch l.c. n. 21. Verum hoc Gobat in Quinario tr. 5. c. 32. n. 7. tunc solùm admittit, si in ea domo non habitet vir honestus, aut alia mulier valde honesta. Oscula quoque, & amplexus violentam suspicionem præbere docent Covarruv. 4. Decret. p. 2. c. 7. §. 6. n. 3. & Malcard. De Probat. conclus. 64. n. 3. Sed rectius hoc negant Sanch. n. 47. Perez, & alij, eò quod neque ex natura rei, neque ex aliqua lege adulterium inde plenè probetur, nisi alia conjecturæ accedant, veluti si hæc contingent in loco abdito, & secreto, ubi facile copula haberi possit, tunc enim efficere suspicionem violentam, atque ad separacionem sufficere opinatur Palao l.c. n. 8. cum alijs. Verum ego cum cit. Gobat n. 10. puto, plerunque circumstantiam oscularum, & amplexuum potius esse signum tentati, seu destinati, quam jam perfecti adulterij, nec enim, qui suam libidinem ipsa copulâ jam expleverunt, solent in loco suspecto diutius commorari, ubi periculum est, ne deprehendantur. Sed neque certam, ac violentam suspicionem violentam

spicionem gignunt xenia , sive munera hinc inde missa , nec literæ amatoriae , nisi sint tales , in quibus mulier præteritum adulterium fateretur ; nam , esto , illa confessio , ute pote extrajudicialis , non plenè delictum prober , at facta in judicio illud plenè probaret : igitur quando loquimur de divortio extrajudicialiter facto , ea confessio extrajudicialis sufficiens esse debet . Palao l. 6. Menoch. l. c. n. 39.

8. Nunc ergo queritur , an possit pars innocens adulterum conjugem repellere , vel ab eo discedere propria authoritate , quando de adulterio moraliter certò constat , an verò ad hoc opus sit sententiâ Iudicis ?

Resp. 1. Si adulterium est notorium , quia v. g. maritus aliam imprægnavit , idque in judicio probatum , vel ipse hoc ibi sponte confessus est , vel si notoriè extent liberi ex adulterino congressu habiti ; aut si uxor absente , vel impotente viro ab alio fuit imprægnata , tunc in utroque foro licitum est authoritate propria divortium instituere , ut manifestum est ex c. Ex parte . De Sponsal. ubi dicitur : nemini licet uxori suam sine manifesta causa fornicationis dimittere : ergo ubi notoria , ac manifesta est conjugis fornicatio , conceditur innocentis jus divertendi ab adultero ; idque adhuc apertius decisum esse videtur in c. Significasti . De Divortijs , ubi habetur , quod

ita divertentem nec quidem compellere possit Ecclesia ad recipiendum adulterum : quod si notorium est , mulierem ipsam adulterium commississe , ad eam recipiendam præfatus vir cogi non debet , quia ubi de delicto notoriè constat , perinde est , ac si publicâ sententiâ , & in judicio reus damnatus esset , ut ait Palao disp. cit. §. 46 n. 3. Neque probatur contrarium ex c. Porro . De Divortijs , ubi statuitur , quod ob consanguinitatem , etiam notoriam , propria authoritate non liceat dimittere conjugem : ergo nec ob notorium adulterium , disparitas eam inter utrumque casum magna est , quia , quando dimittitur conjux ob consanguinitatem , dimittitur totaliter etiam quoad vinculum ; ob adulterium verò tantum dimittitur quoad torum , & coabitationem : mirum igitur non est ; quod Jura in illo majorem requirant cautelam , quam in isto .

Resp. 2. Dimitti etiam potest propriâ authoritate , non expectato Ecclesia judicio , tametsi adulterium non sit notorium , sed occultum , dummodo de illo conjugi innocentis moraliter certò constet , quia nempe habet præsumptiones violentas , etiam si delictum probare non possit . Patet hoc inde , quia Christus Matth. 5: absolutè concessit , ut posset innocens propter fornicationem uxorem dimittere , neque ullatenus distinxit inter publicum , & occultum ; quippe jus divertendi non ex publi-

publicitate, sed ex delicto nascitur, per quod quia pars altera fidem fregit, licet eidem quoque fidem frangere. Sed hoc intelligendum est, si absit scandalum, & pro foro conscientia interno tantum, in quo non requiritur rigorosa probatio, sed sufficit, quod constet de veritate etiam ex testimonio unius personæ fide dignissimæ, cui merito prudentissimus quisque fidem haberet, vel propria oculari experientia. Sanch. L. 10. diff. 12, n. 51. At vero in foro extero commissum adulterium, aut violentæ de eodem presumptiones probari debent per testes omni exceptione majores. Sanch. l. c. & uxorem dimittens ex causa adulterij, quod neque notorium est, neque legitime probatum, compellitur eamdem iterum recipere, ne ansa detur hominum malitia sub praetextu occulti, sed sibi noti adulterij conjugem pro libitu dimittendi, ita cum Sanch. cit. Palao l. c. §. 4. n. 2. & seqq. Perez diff. 60. de Matr. Sez. 2. & 3. Hurtad. diff. 11. de Matrim. difficult. 6. n. 22. Laym. l. 5. tr. 10. p. 30. c. 7. n. 9. & seqq. Gobat cit. c. 32. n. 64. & seqq. Filliac. Bonac. &c.

9. Non solum autem posse, sed etiam obligari maritum, ut uxorem adulteram a se dimittat, non pauci ex Authoribus contendunt, quorum plures citantur à Sanchez L. 10. diff. 13. n. 4. eo quod apud se retinens, & ab eadem debitum exigens, eivè reddens censeatur illius

delicto connivere, & grave legitimis hæredibus detrimentum inferre, si illegitimi, & spuri per convenientiam ipsius supponantur, unde Prov. 18. dicitur: qui tenet adulteram, stultus est, & impius, & can. x. caus. 3. q. 1. sicut crudelis est, & iniquus. qui castam dimittit, sic satius est, & iniquus. qui retinet meretricem, nam patronus turpitudinis ejus est, qui crimen celat uxoris. Denique c. Si vir 3. De Adult. & Stupr. si vir sciens uxorem suam deliquerisse, que non egerit pænitentiam, sed permanet in fortificatione, vixit cum illa, reus erit, & ejus peccati particeps. atque ita nominatim sentire videntur, & peccati mortalis damnant ejusmodi maritum Corvaruv. 4. Decret. p. 2. c. 7. §. 2. n. 4. Petrus de Ledesma q. 64. de Matr. art. 2. conclus. 2. Sylvest. V. Debitum conju-
gale q. 10. Gonzal. in cit. c. Si vir. n. 12.

Verum communior, & vera sententia est, perse, & ratione adulterij nullam esse obligationem uxorem adulteram dimittendi; quod certum omnino est, quando illius delictum non est notorium, vel publicum, sed soli viro cognitum, vel etiam paucis quibusdam alijs, ut bene probat Sanchez l. c. n. 14. & Pirk. n. 16. De Adult. & Stupro. quia tunc cessat ratio scandali publici, proinde & obligatio eam dimittendi. Sed neque adest hæc obligatio, etiam quando notorium est illius adulterium, ut satis patenter indicatur in c. Quod autem. 32. q. 1. & c. Quemadmo-
dum. §. ult. De Jure jur. ubi dicitur,
tutius

tutiūs esse , adulteram non accusare , quando videlicet spes aliqua superest futuræ emendationis , aut quando timetur , ex facto divortio majora mala esse eventura , qualia sunt gravissimæ rixæ , cædes inter maritum , & parentes uxoris , aut si periculum sit , ne facta separatione liberius ipsa vacet libidini . Quin imò ipse Christus Match . 19. nunquam præcepit , ut dimitatur adultera , sed solum id permisit in favorem conjugis innocentis , quemadmodum advertit S. Aug. L. 1. De Serm. Domini in monte c. 27. ut referuntur in can. Idololatria . 28 q. 1. quod si igitur hoc est concessum in favorem conjugis innocentis , potest hic utique favori suo renunciare , cum nemo teneatur jure suo , aut favore uti . *c. Quod ob gratiam. De Reg. Iur. in 6. L. Si Iudex. si; De Minorib. Imò cùm divortium ipso jure naturæ introductum sit in pœnam delinquentis , & innocentis favorem , æquitas sanè postulat , ut innocens ad illius executionem non adstringatur , alias quod concessum est in ejus favorem , vertetur in ipsius penam : igitur innocens non tenetur conjugem adulteram à se dimittere nisi in casu valde raro ratione scandali . si nempe ex ejus retentione de ipso viro præsumptio sumeretur , quod non dimittens conjugem pergentem vacare illicitæ veneri , in ejus libidinem pse consentiat , ejusque delicto patrocinetur , vel etiam lenonem agat ; tunc*

enim verò teneretur per accidens uxorem à se dimittere ad vitandum scandalum , nisi hoc aliter amovere posset : quia autem ferè semper aliter huic malo obviari potest , idcirco rassimè obligatur maritus , ut uxorem dimitiat , dummodo studeat eandem aliter corrigeret , ita Sanchez L. 10. disp. 13. à n. 6. Basilius Pontius L. 9. c. 17. n. 2. Laym. l.c. n. 15. Coninck disp. 35. dub. 3. Palao disp. 3. De Sponsal. pu. 6. §. 3 per totum. Azor tom. 3. L. 3. c. 31. q. 8. Gobat. Bonac. nec aliter intelligendi sunt textus & AA. in contrarium allegati .

Ex his autem à tortiori infertur ; raro , vel nunquam obligatam esse uxorem divertere à marito adultero ; nec enim ad hoc tenetur ob præceptum correctionis , quia ipsa est subdita , ad quam non pertinet virum corrigeret puniendo ; sed ad summum suaviter monendo , & exhortando ; neque dimissio censenda est aptum medium ad viri correctionem , quippe dimissus , ut ab experientia constat , fiet deterior . Imò haec ipsa dimissio erit uxori incommodissima ; nam sic cogetur cœlibem vitam degere , & esse privata mariti consortio-uxoribus regulariter utilissimo : nec denique obligatur ob vitandum scandalum , sive suspicionem , quod ipsa mariti delictis assentiatur , cum omnibus compertum sit , mulieres ægerissimè ferre , si earum mariti alijs commisceantur , nec penes ipsas stare , ut illos contineant : igitur ex nullo capite

pite uxor obligatur. Palao L. c. n.
 4. Coninck diff. 35. dub. 3. conclus.
 2. Hartad. diff. 11. De Matr. diffic.
 4. in fine.

10 Novum ex dictis dubium ori-
 ri potest, an teneatur maritus inno-
 cens, aut vice versa uxor, adulter-
 ram resipiscientem denuo recipere,
 & cum eadem conjugium redintegrare?
 quod enim possit, vix est,
 qui negat, nam potest utique iuri
 suo cedere; imò si reconciliari velit
 adulteræ, & conjugem dimissam re-
 vocare, tenetur ista eidem parere,
 ac redire, si status utriusque adhuc
 est integer, & neuter Religionem
 ingressus est, ut fusè probant Sanch.
 L. 10. diff. 10. n. 3. & Basilius Pontius
 L. 9. c. 19. n. 1. Quòd verò non sol-
 lùm possit, sed etiam teneatur resi-
 piscientem, si redire velit, iterum
 recipere, videtur ex textibus Juris
 non obscurè desumi posse, nam sic
 habetur c. Quod autem. 32. q. 1.
 Nunc autem, postquam Christus ait adul-
 teræ, nec ego te condemnabo, vade,
 deinceps noli peccare; quis non intelligat,
 debere maritum ignorare, quod videt igno-
 risse Dominum amborum, nec jam se de-
 bere adulteram dicere, cuius pœnitentis
 crimen Divina credit miseratione deletum.
 c. Ego Dixi. 34. q. 1. Quid si mulier
 dimissa pœnitentiam egerit, & voluerit
 ad virum suum reverti, nonne recipietur
 à viro suo? & dixit mihi: imò si non re-
 ceperit eam vir suus, peccat, & magnum
 peccatum sibi admittit, sed debet recipere
 peccatum, quæ pœnitentiam egit. De-

nique eadem obligatio, saltem quan-
 do non sèpe in idem crimen relapsa
 est, habetur etiam in c. Si vir. De
 Adult. & Stupro, quod est delumptum
 ex Concilio Arelatensi: si mu-
 lier pœnitentiam egerit, debet, sed non sèpe,
 recipere peccatum. Verùm hos om-
 nes textus optimum quidem consi-
 lium, sed nullum præceptum con-
 tinere, & non loqui de debito Justi-
 tie, ac necessitatis, sed honestatis,
 & alicujus aequitatis, aconvenien-
 tie, docet idem Basilius Pontius L. 9.
 c. 19. n. 6. cum Sanch. L. 10. diff. 13.
 n. 1. & Wieltnern. 85. De Divortijs,
 idque ipsum etiam indicat Glossa
 in cit. c. Si vir. V. Debet, nam etsi tol-
 latur per pœnitentiam culpa apud
 Deum, non tamen per hanc tol-
 litur etiam injuria facta homini,
 & omnis pœna delicto debita: adhuc
 igitur integrum manet jus, quod
 pars innocens habet ad divortium,
 idque perpetuum, neque hac pœnâ
 eximit adultera, nisi vir ultrò ce-
 dat. Quod etiam inde confirmatur,
 quia potest adultera accusari in ordi-
 ne ad divortium, postquam multis
 jam annis egit pœnitentiam de com-
 misso crimen, ut clare habetur c.
 Admonere. 33. q. 2. ergo à tortiore po-
 test vir innocens ad Iteram pœnitentie
 non recipere, nam ut proverbium
 est, turpius ejscitur, quam non ad-
 mittitur hospes. Excipiuntur ni-
 hilominus aliqui cas's, in quibus
 dimissa uxor iterum admitti debet,
 ac primò quidem per se patet, reci-

Rrrr

pi

pi eam debere, si facto divortio sive
authoritate propria, sive etiam per
Sententiam Judicis, postmodum in-
notescit, injuriam factam esse parti
dimissæ, fallamque fuisse adulterij
suspicionem, aut restes falsum dixi-
se; tunc enim delectit pr̄sumptio,
cui dimissio, vel lata Sententia in-
nititur, atque ideo hac non obstante
tenetur in conscientia conjugem in-
nocentem revocare. Pontius c. 20.
n. 1. 2. Si ex resipiscientis receptio-
ne magnum aliquid malum averti,
aut bonum promoveri potest, idem
c. 19. ad fin. 3. Si innocens illatam
sibi per adulterium injuriam condo-
navit ve expressè, vel tacite, adul-
teræ se sponte, ac libere copulando,
vel domi retentæ exhibendo solita
obsequia, & signa affectus conjuga-
lis, talia enim qui conjugi adulte-
ro exhibet, ad divortium in foro ex-
tero non admittitur. 4. Si, qui
innocens erat, ipse post factum di-
vortium prolapsus est in adulterium.
c. Significati, &c. Ex literis. De Di-
vort. Extra hos casus verò non obliga-
tur innocens quantumvis poenitentem
recipere, sed potest liberè, quando
divortium factum est vel per Sen-
tentiam, vel ob notorium adulterium,
ad Religionem transire, etiam invi-
to conjugi nocente, aut vir suscipere
Sacros Ordines, quia jus conjugale
am isti reus ob culpam adulterij com-
missam, manente licet vinculo. Pon-
tius c. 19. n. 5. Perez disp. 57. Sect. 6.
n. 5. Hoc si fiat, id est, si v. g. ma-

ritus ad SS. Ordines, aut Religio-
nem transeat, etiam pars altera,
nempe adultera, non prohibetur as-
sumere statum Religionis. Si autem
innocens statum non mutavit, non
potest adultera absque expressa, aut
tacita licentia innocentis ad Religio-
nem transire, aut vir adulter vel ad
hanc, vel ad SS. Ordines, quan-
tumvis divortium judicio Ecclesiæ
institutum fuerit, quia Sententia di-
vortij non debet afferre incommodum
innocenti, quò minus conjugem ad-
adulterum revocare, & ipsi reconcilia-
ri possit, si ita lubitum sit. Quod
si tamen innocens lemel, atque ite-
rum monitus, ut conjugem adulte-
rum post emendationem recipiat, id
facere reculet, potest adulter Reli-
gionem ingredi, ac profiteri juxta c.
Gaudemus. De Convers. conjugat. aut vir
suscipere SS. Ordines. Laym. L. 5.
tr. 10. p. 3 c. 7, n. 12. Perez disp. cit.
Sect. 7.

II. Quamquam verò, ut hoc
usque diximus, possit Maritus uxo-
rem adulteram à se dimittere, aut
vice versa uxor innocens à viro no-
cente divertere, varij tamen casus
sunt, in quibus adulterium non suffi-
cit ad instituendum divortium.
Primus est, quando uterque con-
jux reus est adulterij, iniquum quip-
pe est, ut delictum unius puniatur,
altero delinquentे inde m̄i permane-
nente, atque ideo iura omnia elab-
mant, paria delicta mutua compen-
satione tolli. c. Intelleximus, &c. fin.

De

De Adulterijs. c. Significasti. & c. Ex li-
teris. De Divortijs. L. Viro, atque uxore.
ff. Soluto Matrimonio. Nec refert,
quod adulterium uxoris gravius sit
quam Mariti, vel quod unius sit
publicum, alterius vero occultum;
nec quod unus ex ipsis conjugibus
prius quam alter in hoc peccatum
prolapsus sit, quia Jura solum atten-
dunt laesam ab utroque fidem conju-
galem, nulla habitatione posterio-
ritatis, aut prioritatis; nec refert,
quod vir adulteratus fuerit cum lo-
luta, uxor autem cum conjugato;
vel professo, aut quod unus sepius,
quam alter idem crimen patraverit,
quia licet in hoc casu non sit paritas
delictorum quoad humerum, aut alias
circumstantias, est tamen paritas in
hoc, quod uterque violaverit fidem
conjugalem, in quo solo fundatur
radix divortij, quod non conceditur
nisi innocentis. Sanch. L. 10. disp. 6.
n. 6. & 8. Palao disp. 3. de sponsal. p.
6. §. . n. 1. Perez disp. 56. sect. 3. n.
1. Bonac. q. 4. De Matr. p. 5. n. 14.
Laym. l. 5. tr. 10. p. 3. c. 7. n. 13.
Pirhing n. 8. De Divortijs. & alijs
passim. Videntur autem haec lo-
cum habere etiam in casu, si v. g.
maritus post dimissam uxorem adul-
teram, facto divortio etiam per sen-
tentiam iudicis, deinceps ipse for-
nicetur, ut dictum est iuxta mun-
præcedente, nam & hic datur com-
penratio, atque ideo tenetur in con-
scientia uxorem prius dimissam adul-

ter iterum recipere, etiamsi ipsius
adulterium occultum sit. Si autem
publicum fuerit, aut ab uxore pro-
bari possit, competit huic actio, ut
denuo ad torum, & cohabitationem
admittatur, atque ad hoc maritus
compelli potest, ut non obscurè
colligitur ex Argum. c. Ex literis.
De Divortijs: Matrimonium separatur
propter adulterium mulieris, & si vir
postea fornicetur, redintegratur, quia
sententia, quæ in favorem inno-
centis lata est, tam diu ipsi patroci-
natur, quam diu innocens existit,
non autem, postquam factus est
nocens, ut contra plures, graves-
que AA. probabilius docent Basili. Pon-
tius l. 9. c. 20. n. 6. Dicasillo d. sp.
10. De Matr. n. 31. Perez l. c. n. 5.
Coninck disp. 35. dub. 2. n. 14. Na-
varr Consil. I. De Divortijs. Barbo-
fa in c. fin. De Adult. n. 4. Engl n.
15. de Divort. Wiestner n. 89.
cod.

12. Similiter nequit maritus re-
pudiare uxorem propter adulterium
si ipse illius author fuit, dum eam
vel ipse prostituit, aut lenonem egit,
ac adulterium suavit, vel saltum ta-
cere consenserit non impediendo, cum
facile posset impedire, hoc enim
casu maritus aquæ, ac uxor culpa-
bilis est, nec potest contra eam con-
queri, quia scienti, & consentienti
non sit injuria, c. 27. De Reg. Iur. in
6. Authores cit idque aperte indicant
verba c. Discretionem. De eo, qui

Rrrr 2

cogno.

cognov. consang. uxor. Cum adulterium ei non possit obijcere, qui eam adulterandam tradidit, præsertim invitam. Si tamen Maritus uoxi caulam tantummodo remotam dederit, adulterium committendi, quia non dedit debita alimenta, durius eandem habuit, vel domo ejecit, adhuc potest divortium instituere, qui ob hanc rationem mulier ad fornican dum induci non debet c. Ex literis. De Divortijs, ubi audit a non est uxor, allegans se adulterium admisisse, ea quod vir necessaria ei denegaverit ali menta; cuius judicij æquitas patet ex L. Palam. §. 5. ff. De Ritu nupt. ubi dicitur: Non est ignoscendum ei, qua obtentu paupertatis turpissimam vitam egit, atque ita sentiunt Sanch. l. 10. diff. s. n. 6. Palao, Bonac. Engl. & alii citati.

Neque est locus divortio, quando uxor commisit adulterium solum materiale, quia putavit invincibiliter virum, cum quo congressa est, esse proprium suum Maritum, quem alter se fraudulenter esse simulavit c. In lectum. 34. q. 1. & 2. hoc enim calu sicuti bona fides tollit culpam adulterij. ita etiam penam divortij. Ad probandum autem hanc conjugis bonam fidem, sufficere ejus juramentum, habito respectu ad ejus honestatem, & alias probabiles conjecturas, tradit Engl. l. c. n. 17. Idem est, si non temere credens, maritum esse mortuum, alteri nupsi. Sanch. l. c. n. 1.. nisi tamen certior redditum

de vita prioris conjugis, persticerit in secundo conjugio, debitum reddens, aut petens. tunc enim verè rea censetur adulterij, peccatumque formaliter

Nec po est peti divortium, quando oppressa est uxor per violentiam, animo non consentiente c. Proposito 37. q. 5 & c. Ita ne ibid. Ubi Glossa V. Putaverit, non debet, inquit, quis dici per petrasse, quod nolens fecit, vel passus fuit, nec debent imputari, quæ per coædionem absolutam sunt, ubi bene ponderanda sunt illa verba per coædionem absolutam, quia si cognita fuit non per violentiam, seu per vim præcisam, sed se ex metu gravi, v. g. intentata mortis contenit, & adulterium commisit, potest maritus, quamvis non possit tunc criminaliter uxorem accusare, divortium instituere, quia cum talis mens non excusat à culpa mortali, neque à verro, & formaliter adulterio, etiam non excusat à pena, ut habet communior, & probabilior sententia apud Sanch. cit. diff. s. n. 16 quem sequuntur Dicastillo, Coninck, Perez &c. contra Sylvestrum, Armillam, & alios qui dicunt.

Denique non licet amplius divortium instituere, ob adulterium commisum, quando pars innocens injuriam adulterij nocenti condonavit, ut dictum est n. 10. sive hoc factum fuerit expressè verbis, aut literis condonationem aperè indicantibus; sive tacite fiat, per hoc, quod sponte,

te, ac liberē, sciens commissum esse adulterium, carnalem copulam cum adultera habeat, sive ante, sive post celebratum divorcium; vel eandem domi retineat, eidemque familiarem sese, ut antē, exhibeat cum ea ludendo, ridendo, comedendo, & multò magis eandem amplexando, deoculando &c. nam per ejusmodi actus injuriam aboleri, communis doctrina est. Palao l.c n. 4. Sanch. l. 10. disp. 5. n. 19. & disp. 14. n. 6. Perez Engl. Pirhing &c.

13. Nunc ut, quæ hucusque diximus, præsentia casui applicemus, & ad illius quaesita denique respondeamus, è num. 5. sat luculenter pater, et si omnimodam certitudinem de adulterio conjugis Coralbus non habuerit, ea tamen habuisse ipsum indicia, quæ ipsi poterant movere suspicionem violentam, nam deprehendit solum cum sola in cubili, juvenem ardentem, & Leonildæ, priusquam nubaret, amantem, & nunc quoque, postquam alteri nupta est, ab ea redamatum, & forte etiam tunc nimium familiarem, nam dubitavit Coralbus post ipsas statim nuptias, an virginem accepisset in thalamum, quam ipsi suspicionem, quod violata jam fuerit, & forsitan ab hoc ipso proco, confirmare merito poterant hæc ipsa, quæ modò diximus, & conjugalem Leonildæ fidem dubiam eidem reddere continuati deinceps mutui amores, missa hinc inde munera, & literæ, etiam postquam correpta est

à marito, & monita desistere à suspe-
cto consortio: apertam vero adulter-
ram moraliter certò, & urgentissimè
probavit arrepta fuga cum eadem
amatio, & maximè præ omnibus,
quod triennali tempore eidem adhæ-
serit, quia ut cum Abbatc in c. Intelleximus. De Adult. in 6. loquitur Ma-
cardus De Probationib. conclus. 64. n. 10.
adulterium manifestum dicitur esse
probatum, ubi constat, mulierem à
proprio viro discessisse, & alicui pu-
blico concubino adhæsse, vel ha-
bere virum alium in domo, mensa,
& lectio &c. potuisse igitur ab ea se-
parari, nec obligatum fuisse, etiam
resipiscientem denuo recipere, constat
ex n. 10. An vero altera vice ad
pristinas fôrdes reversam, dum eam
in adulterio ipse deprehendit, an,
inquam, tunc etiam autoritate pro-
pria expellere potuerit, vel ab eadem
divertere debuerit, desumi, ac con-
cludi potest ex num 8 & 9. unde non
est, quod hic ulterius addam, nisi
hoc unum, quod facta prima vice
condonatio eundem non impedit,
ut propter hoc novum delictum adul-
teram repudiet, nam prior illa con-
donatio se non extendit ad futura,
sed ad præterita tantum adulteria;
tum etiam quia prior illa reconcilia-
tio contractum Matrimonij in pristi-
num vigorem restituit, ac si nullum
usque in hoc tempus adulterium fuis-
set commissum; at vero si nullum
usque nunc fuisset commissum adul-
terium, posset utique conjux nunc de-
mum

mum adulterij reus ab innocentē dimitti: ergo etiam dimitti potest, si post remissionem, & reconciliatiōnem factam de novo fornicetur. Perez disp. 56. Sect. 3. n. 10. Gobat in Quinario c. 32 n. 56. Dicastillo disp. 10. de Matr. dub. 3. n. 29.

I4. De liberorum, & uxoris sustentatione, quando hæc à marito ob adulterium expulta est, multa defūmi possunt ex alibi dicitis, præsertim circa liberos in casu præcedente num. ult. alendos ipsos esse apud Patrem expensis Matris delinquentis, ita Sanchez L. 10. disp. 20. n. 7. & 8. Palao disp. 3. de sponsal. pū. 6 §. 10. n. 5. Laym. L. 5. tr. 10. p. 3. c. 7. in fine. Ut verò uxori adultere vir innocens post factum divortiū præstet alimenta, nulla est obligatio juxta Bonac. disp. 3. De contrād. q. 11. pū. 11. n. 24. Sanch. L. 10. disp 8 n. 25. Gobat in Quinario tr. 5. c. 39. n. 5. & seqq. quia p. test illam privare omnijure maritali, ac consequēt etiam alimentis, licet dotem ab ea receperit eo fine, ut ipsam alat, nam hanc ob culpam adulterij amittit, ut probat Palao l. 1. n. 2. Aliter tamen docet Julius Clarius Receptar. Sententiār. L. 4 §. Adulterium n. 17. taltem tunc, quando dos ab uxore allata viro adjudicatur propter illius adulterium, teneri ipsam à se dimissam alere, tum quia onus alendæ uxoris annē-

xum doti, non desinit hinc urgere, nam et si à viro separata sit, non tamen desit esse uxor; tum quia non ipsa se sponte separavit, sed fuit ejecta a viro: ergo quod ei non præstet debita obsequia, hoc ab ipsomet marito provenit, & quamquam ipsa ad dimissionem suo delicto causam dederit, adhuc tamen non est privanda alimentis, nam juxta Bonac. in 4. præcept. Decal. disp. 7. q. unic. pū. 7. n. 3. nequit maritus negare alimenta uxori, quæ suā culpā vellepram contraxit, ob quam prævidebat, se à marito rejectum iri, vel quæ ex culpa propria in perpetuum carcerem conjecta est, eo quod culpa illa uxoris non tendat directè ad separationem habitationis, sicut dum propriā temeritate recedit ipsa à marito: ergo nequit etiam negare maritus alimenta uxori, quæ suā culpā eō devenit, ut à virō dimitteretur. Sic rationcinatur Julius Clarius, cuius Sententia probabilis est, & in hanc ipsam aliquo modo etiam coincidit Laym. L. 5. tr. 10. p. 3. c. 2. n. 2. dicens: si uxor ob suam culpam, puta adulterij, rejecta à marito, bona aliunde non habeat ad sui sustentationem, tunç ad judicem pertinere, ut ei à marito nec saria obtineat, si dotem mulieris hic in delicti poenam lucratī velit,

CASUS